

REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 330, Datë 18.12.2025

MBI

**DISA NDRYSHIME NË VENDIMIN E BORDIT TË ERE-S NR. 15, DATË 16.01.2025
“MBI LICENCIMIN E SHOQËRISË “REBESOL” SH.P.K. NË VEPRIMTARINË E
PRODHIMIT TË ENERGJISË ELEKTRIKE”**

Në mbështetje të nenit 16 të ligjit nr. 43/2015, “Për sektorin e energjisë elektrike”, i ndryshuar;; nenit 113 të ligjit nr. 44/2015 “Kodi i Procedurave Administrative të Republikës së Shqipërisë”; si dhe nenit 15, të Rregullores për organizimin, funksionimin dhe procedurat e ERE-s, miratuar me vendimin e bordit të Entit Rregullator të Energjisë (ERE) nr. 96, datë 17.06.2016; Bordi i ERE-s, në mbledhjen e tij të datës 18.12.2025, mbasi shqyrtoi relacionin e përgatitur nga Drejtoria e Politikave të Burimeve të Rinovueshme, me nr. 2534/2 prot., datë 17.12.2025, “Mbi disa ndryshime në vendimin e bordit të ERE-s nr. 15, datë 16.01.2025 “Mbi licencimin e shoqërisë “REBESOL” sh.p.k. në veprimtarinë e prodhimit të energjisë elektrike nga centrali fotovoltai me kapacitet prodhues 2 MW”,

Konstatoi se:

1. Të dhëna mbi shoqërinë “REBESOL” sh.p.k.

- Bordi i ERE-s me vendimin nr. 15, datë 16.01.2025, ka licencuar shoqërinë “REBESOL” sh.p.k. në veprimtarinë e prodhimit të energjisë elektrike nga centrali fotovoltai me kapacitet prodhues 2 MW.
- Në pikën 2 të vendimit të 15/2025 përcaktohet se: “Shoqëria duhet të fillojë ushtrimin e veprimtarisë së prodhimit të energjisë elektrike brenda afateve të përcaktuara nga kontrata me MIE-n”.
- Gjithashtu në pikën 3 të këtij vendimi përcaktohet se: “Ky vendim është objekt rishikimi”.

2. Korrespondenca dhe Dokumentacioni i Depozituar nga shoqëria

- ERE me shkresën nr. 2534 prot., datë 29.09.2025, ka kërkuar informacion ndaj shoqërisë lidhur me fillimin e ushtrimit të veprimtarisë së prodhimit të energjisë elektrike brenda afateve të përcaktuara nga kontrata me MIE-n .
- Në përgjigje të kësaj shkrese, shoqëria “REBESOL” sh.p.k. me shkresën nr. 36 prot., datë 10.10.2025, protokolluar në ERE me nr. 2534/1 prot., datë 23.10.2025 ka bërë me dije ndër të tjera se veprimtaria e prodhimit të energjisë elektrike nuk ka nisur për shkak të procedurave të ndërtimit dhe komisionimit që janë në zhvillim sipas akteve përkatëse. Zbardhja e Lejes së Ndërtimit është lëshuar dhe vulosur elektronikisht nga Agjencia e Zhvillimit të Territorit, me gjurmë kohore 15/09/2025. Pas nxjerrjes së lejes së ndërtimit të zbardhur, janë njoftuar institucionet përkatëse për fillimin e punimeve në përputhje me legjislacionin dhe aktet e lejes. Aktualisht po zhvillohen punimet e infrastrukturës dhe montimit.
- Bazuar në kontratën e nënshkruar ndërmjet shoqërisë “REBESOL” sh.p.k. dhe Ministrisë së Infrastrukturës dhe Energjisë nr. 10516 Rep., nr. 4878 Kol., datë 28.12.2023 përcaktohet se: “Mbajtësi i miratimit për ndërtim merr përsipër të vërë në punë centralin fotovoltai, brenda 12 muajve nga data e marrjes së të gjitha lejeve për fillimin e punimeve. Afati për

pajisjen me lejet e nevojshme në përputhje me rregullat e përcaktuara nga strukturat shtetërore është jo më shumë se 9 muaj nga data e hyrjes në fuqi të Kontratës”.

- Bazuar në konstatimet e vendimit të bordit të ERE nr. 15, datë 16.01.2025, ku rezulton se shoqëria ka një VNM të vlefshme, deri më datë 03.12.2026, vlerësohet që në kuadër të mbikëqyrjes shoqëria të raportojë çdo 3 (tre) muaj në ERE në lidhje me fillimin e punimeve brenda këtij afati. Shoqëria me shkresën e lartpërmendur ka njoftuar institucionet përkatëse mbi fillimin e punimeve e për rrjedhojë ka plotësuar kushtin e VNM për fillimin e punimeve brenda afatit të përcaktuar në të.

3. Analiza Ligjore dhe Vlerësimi

- Në kushtet kur subjekti njofton se është pajisur me leje ndërtimi më datë 15.09.2025 dhe afati i kësaj leje është për një periudhë 12-mujore, atëherë lind nevoja e rishikimit të pikës 2 të vendimit nr. 14/2025 në referencë të afatit të lejes së ndërtimit.
- Me rishikimin e pikës 2 të këtij vendimi, lind nevoja për ndryshimin edhe të pikës 3 të tij, duke specifikuar rrethanat se kur mund të jetë objekt rishikimi ky vendim.

4. Nevoja për Ndryshimin e Vendimit

- Në mbështetje të nenit 113 të ligjit nr. 44/2015 “Kodi i Procedurave Administrative të Republikës së Shqipërisë”, i cili parashikon se një akt administrativ mund të ndryshohet, shfuqizohet apo anulohet, kryesisht nga organi publik që ka kompetencë për ta nxjerrë atë, vlerësohet se pikat 2 dhe 3 të dispozitivit të vendimit të bordit të ERE-s nr. 15, datë 16.01.2025, duhet të ndryshohen duhet të reflektohet situata aktuale e realizimit të projektit.
- Vlerësohet që pika 2 e vendimit të bordit të ERE-s nr. 15/2025, të ndryshohet si vijon: *Shoqëria duhet të fillojë ushtrimin e veprimtarisë së prodhimit të energjisë elektrike brenda datës 15.09.2026 dhe jo më vonë se 60 ditë nga fillimi i ushtrimit të aktivitetit duhet të dokumentojë në ERE testimin e veprës.*
- Me rishikimin e pikës 2 të këtij vendimi, lind nevoja për ndryshimin edhe të pikës 3 të tij, duke specifikuar rrethanat se kur mund të jetë objekt rishikimi ky vendim. Për rrjedhojë, vlerësohet ndryshimi i pikës 3 të vendimit të bordit të ERE-s nr. 15, datë 16.01.2025 si më poshtë vijon: *“Ky vendim është objekt rishikimi nga ERE, në rast të plotësimit/mosplotësimit të kushteve të përcaktuara në pikën 2 të këtij vendimi dhe në rast të depozitimit të akteve të ndryshme nga ato që kanë shërbyer për marrjen e këtij vendimi.”.*

Për gjithë sa më sipër, bordi i ERE-s,

Vendosi:

1. Miratimin e disa ndryshimeve në vendimin e ERE-s nr. 15, datë 16.01.2025, si vijon:
 - a. Pika 2 ndryshon dhe bëhet:

“Shoqëria duhet të fillojë ushtrimin e veprimtarisë së prodhimit të energjisë elektrike brenda datës 15.09.2026 dhe jo më vonë se 60 ditë nga fillimi i ushtrimit të aktivitetit duhet të dokumentojë në ERE testimin e veprës”.

b. Pika 3 ndryshon dhe bëhet:

“Ky vendim është objekt rishikimi nga ERE, në rast të plotësimit/mosplotësimit të kushteve të përcaktuara në pikën 2 të këtij vendimi dhe në rast të depozitimit të akteve të ndryshme nga ato që kanë shërbyer për marrjen e këtij vendimi.”.

2. Drejtoria e Politikave të Burimeve të Rinovueshme, të njoftojë shoqërinë “REBESOL” sh.p.k., Ministrinë e Infrastrukturës dhe Energjisë, “OSSH” sh.a., “FTL” sh.a dhe “ALPEX” sh.a., lidhur me vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes dijeni, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI

Petrit AHMETI